

ԻՄ ՀՈԳՈՒՑ ՊԻՏԻ ԹԱՓԵՄ ՎԵՐՋԻՆ ՕՐԵՐԻՆ

Բանալի համար. Հովել 2:28-32 – Գործ. 2:17-21

Հովել 2:28-32 — 28 Եւ պիտի լինի սորանից հետո, որ իմ հոգին պիտի թափեմ ամեն մարմնի վրա, և պիտի մարգարէանան ձեր տղերքն ու ձեր աղջկերքը, ձեր ծերերը երազներ պիտի երազեն. ձեր երիտասարդները տեսիլքներ պիտի տեսնեն: 29 Եւ ծառաների ու աղախինների վրա էլ պիտի թափեմ այն օրերը իմ հոգին: 30 Եւ նշաններ պիտի տամ երկնքումը ու երկրիս վրա. արյուն և կրակ և ծուխի սյուներ: 31 Արեգակը պիտի փոխվի խավարի, և լուսինը՝ արեան, Տիրոջ մեծ և ահեղ օրը գալուց առաջ: 32 Եւ պիտի լինի, որ ամեն ով որ կանչէ Տիրոջ անունը, կփրկուի. որովհետև Սիօն սարի վերա և Երուսաղէմում փրկուեթյուն կլինի՝ Տիրոջ ասածի պէս. և այն մնացորդների վրա, որոնց Տէրը կկանչէ:

Գործ. 2:17-21 — 17 Եւ պիտի լինի սրանից հետո, վերջին օրերին, ասում է Աստուած, որ իմ Հոգուց պիտի թափեմ ամէն մարդու վրա, և ձեր որդիներն ու ձեր դուստրերը պիտի մարգարէանան. ձեր երիտասարդները տեսիլքներ կ'տեսնեն, ձեր ծերերը երազներ պիտի տեսնեն: 18 Եւ իմ ծառաների վրա և իմ աղախինների (անգլերեն երկուսի վրա էլ տղամարդկանց և կանանց) վրա էլ այն օրերում իմ Հոգուց կ'թափեմ, և կ'մարգարէանան: 19 Եւ նշաններ կ'տամ վերևը երկնքում, և նշաններ ներքևը երկրում, արյուն և կրակ և ծխի մառախուղ: 20 Արեգակը խավար կ'դառնա, և լուսինն արյուն, Տիրոջ մեծ և երևելի օրը դեռ չ'եկած: 21 Եւ կ'լինի, ամեն ով որ Տիրոջ անունը կ'կանչէ՝ կ'փրկվի:

I. ԱՅՍ ԽՈՍՏՈՒՄԸ ՎԵՐՋԻՆ ՕՐԵՐԻ ՀԱՄԱՐ Է:

Պետրոսը նշում է Հովել մարգարէի խոսքը և գիտակցաբար նա փոխում է խոսքի այն մասը որտեղ Հովելն ասում է, «հետո», - իսկ Պետրոսն նշում է, «վերջին օրերում». Նոր Կտակարանում «վերջին օրերում» առտահայտությունը վերաբերում է ողջ ժամանակահատվածում, սկսած Պենտեկոստի օրից մինչև Քրիստոսի Երկրորդ Գալուստը. Այն ինչ որ Հովել մարգարեն կանխատեսել էր 830 մ.թ.ա., Պետրոսն ասում է որ այդ խոսքը կատարվեց Պենտեկոստի օրը մ.թ. 33, և այդ խոսքի իրականացումը շարունակում է 2000 տարի, և այն չի կարող լինել ամբողջական մինչև Հիսուսը վերադառնա երկրի:

- Դուք չեք կարող հասկանալ Հովելի 2-ը եւ Գործք 2-ը Աստծո մեծ նպատակից դուրս, որի նպատակը հետեվյալն է «Հոգով զորացնելու Իր ժողովրդին», որպեսզի նրանք քարոզեն ավետարանը մինչև աշխարհի ծայրերը: Այս մասին շատ պարզ նշված է Գործք. 2:8ում:

Բայց դուք զօրություն կ'առնէք՝ երբոր Հոգին ձեզ վրա կ'գա, և իմ վկաները կ'լինիք Երուսաղէմում և բոլոր Հրէաստանի և Սամարիայի մէջ մինչև երկրի ծայրերը:

վերջին օրերին, ասում է Աստուած, որ իմ Հոգուց պիտի թափեմ ամէն մարդու վրա

● ԻՆՉՈՒ

Վերջին տվյալների համաձայն մնացել է միայն 500 չավետարանված մարդկային խմբեր որոնք հիմնականում բնակվում են 10/40 ասված պատուհանի տարածաշրջաններում: Ինչքան որ գնալով այս թիվը նվազի այնքան ավելի դժվար է լինելու Խոսքի Ավետարանչությունը, բայց միևնույն պահին ավելի մեծ արթնությունն է լինելու Քրիստոսի մարմնի մեջ որպեսզի Խոսքը վկայվի չավետարանված ազգերին և մարդկային խմբերին:

II. ԱՅՍ ԽՈՍՏՈՒՄԸ ԱՄԲՈՂՋ ՄԱՐԴԿՈՒԹՅԱՆ ԵՎ ԱԶԳԵՐԻ ՀԱՄԱՐ Է:

Եւ պիտի լինի սրանից հետո, վերջին օրերին, ասում է Աստուած, որ իմ Հոգուց պիտի թափեմ ամէն մարդու վրա, և ձեր որդիներն ու ձեր դուստրերը պիտի մարգարէանան. ձեր երիտասարդները տեսիլքներ կ'տեսնեն, ձեր ծերերը երազներ պիտի տեսնեն: 18 Եւ իմ ծառաների վրա և իմ աղախինների (անգլերեն երկուսի վրա էլ տղամարդկանց և կանանց) վրա էլ այն օրերում իմ Հոգուց կ'թափեմ, և կ'մարգարէանան:

1. Ուշադրություն դարձրեք, որ Նա խոստանում է թափել իր Հոգին ամբողջ մարդկության վրա:

- Թվոց 11-ը մի հետաքրքիր պատմության մասին է նշում երբ իսրայելացիները թափառում էին անապատում, նրանք այնքան բողոքներ ներկայացրեցին Մովսէսին մինչ նա դիմեց Աստծուն ասելով որ այլևս չի կարող այս գործը շարունակել (հմ.14):

Երբեվից է մտածել եք հանձնվելու մասին: Ընտանիք, մարդ, կին, երեխաներ, հարաբերություններ կամ աշխատանք...

ՄՈՎՍԵՍ – ԹՎ. 11:14 - 14 Ես միայնակ չեմ կարող կրել այս ժողովրդի բեռը, որովհետև իմ ուժերից վեր է դա:

ԱՍՏՎԱԾ — «ասեց Մովսէսին. Ինձ համար Իսրայելի ծերերից եօթանասուն հոգի ժողովիր, որոնց հանաչում ես իբրև ժողովրդի մէջ ամենածեր մարդիկ և իսրայելացիների գլխավորներին: Նրանց կը բերես վկայութեան խորան, և նրանք այնտեղ կը կանգնեն քեզ հետ: 17 Ես կ'իջնեմ այնտեղ, կը խօսեմ քեզ հետ և քեզ վերայ եղած հոգուցը կառնեմ, և նորանց վերայ կդնեմ: Նրանք ի վիճակի կը լինեն կրելու այդ ժողովրդի յանդգնութեան բեռը. և դու միայնակ չես կրի դա:

- Սակայն, երկու երեցներ մնացել էին ճամբարում եւ չէին գնացել վկայության խորանը. Նրանց անուններն են, **Էլդադը եւ Մեդադը:**

Փոխարեն այն երկու տղամարդկանց դադարեցնելը, Մովսէսն ասաց Հետուին «Ի՞նձ համար ես նախանձում. երանի՜ թէ Եհովայի բոլոր ժողովուրդը մարգարէներ լինէին, և Եհովան իր Հոգին նորանց վրա դնէր:» (ԹՎ. 11:29)

- Այն ինչ որ Մովսէսը մաղթեց, Հովել մարգարեն կանխատեսեց և այն ինչ Պետրոսը բացատրեց այժմ հասանելի է յուրաքանչյուր հավատացյալի:

Որովհետև – Աստուծո մօտ աչառություն չ'կա (Հռ. 2:11):

«Եւ ձեր ծառաների ու աղախինների վերայ էլ պիտի թափեմ այն օրերը իմ Հոգին:» Ասում է զորաց Տերը:

- Ես էլ Մովսէսի պես ցանկանում եմ որ յուրաքանչյուր ծառայությունների ժամանակ բոլորս խորապես լցվենք Սուրբ Հոգով, որտեղ կլինեն մարգարեություններ և կգործեն Հոգու պարզները եկեղեցու շինության համար: Իսկ ի՞նչ է մեզ խանգարում.

2. Տեսիլքների և Երազների նպատակը հետևյալն է. Աստվածաշնչը հայտնում է որ Աստված մարդկանց երազներ ու տեսիլքներ է հայտնում պատմության այն կարևոր պահերին որ իր գործը առաջ մղի երկրի վրա:

- Պօղոս Առաքյալը իր տեսիլքի մեջ տեսավ մի Մակեդոնացի մարդու (Գործք 16:9), և այդ տեսիլքի ժամանակ նա լսեց այս միսիոներական կանչը, որն ասաց **«Անցիր Մակեդոնիա՝ եւ օգնիր մեզ»:**

Պօղոս Առաքյալն ասաց **«Տէրը հրավիրում է մեզ, որ ավետարանենք Մակեդոնիա այնու թնակվող ժողովուրդին» (Գործք 16:10):**

Կորնելիոսը իր տեսիլքի մեջ տեսավ.

5 Եւ հիմա մարդիկ ուղարկիր Հոպպէ, և կանչիր Սիմօնին, որ Պետրոս է կոչվում: 6 Նա հյուր է մի կաշեգործ Սիմօնի մօտ, որի տունը ծովի մօտ է. նա կ'սսի քեզ ինչ պէտք է անել: Գործ. 10:3-6

9 Պետրոսը վեր ելաւ կտուրը վեց ժամի մօտերը աղօթք անելու. 10 Սովեց՝ և կամենում էր հաշել, և նորանք կերակուր պատրաստելիս՝ մտքի յափշտակություն եղավ նորա վրա: 11 Եւ տեսավ երկինքը բացված.

16 Այս երեք անգամ եղավ...

19 Եւ դեռ Պետրոսը այն տեսիլքի համար միտք էր անում, Հոգին նորան ասեց. Ահա երեք մարդիկ քեզ որոնում են: 20 Բայց վեր կաց իջիր. Եւ գնա նորանց հետ առանց խղճմտանք անելու, որովհետև ես եմ ուղարկել նորանց:

44 Եւ Պետրոսը դեռ այս բանը խօսելիս, Սուրբ Հոգին իջավ այն խօսքը լսողների բոլորի վրա:

45 Եւ զարմացան Պետրոսի հետ եկող հավատացեալները, որ թլփատութիւնիցն էին. որ հեթանոսների մէջ էլ Սուրբ Հոգու պարգևը թափվում էր:

III. ԱՅՍ ԽՈՍՏՈՒՄԸ ԳԱԼԻՔ ԴԱՏԱՍՏԱՆԻ ՀԱՄԱՐ Է:

Արեգակը պիտի փոխուի խավարի, եւ լուսինը՝ արեան, Տիրոջ մեծ եւ ահեղ օրը գալուց առաջ:

1. Այս համարները երբեք չեն կատարվել Հովել մարգարեի օրերում: Եվ չկատարվեցին Պենտեկոստի օրերում, և նույնիսկ նրանից հետո:

Դանիել մարգարեն այն անվանում է Տիրոջ մեծ եւ ահեղ օրը, աշխարհի վերջին յոթ տարիները:

Հիսուսն ասաց, «Եւ արքայութեան այս Ավետարանը պիտի քարոզուի ամբողջ աշխարհում ի վկայութիւն բոլոր հեթանոսների (ազգերի կամ մարդկային ցեղերի). և ապա պիտի գա վերջը Մատթեվոս 24:14»:

- **Աստված երբեք չի դատապարտի մի ազգ կամ մարդկային ցեղ որին չի վկայվել Ավետարանի բարի լուրը:**

IV. ԱՅՍ ԽՈՍՏՈՒՄԸ ԽՈՍՈՒՄ Է ՁՐԻ ՓՐԿՈՒԹՅԱՆ ՄԱՍԻՆ:

«Եւ պիտի լինի, որ ամեն ով որ կանչէ Տիրոջ անունը, կփրկվի.» (Հովել 2:32):

1. Մա նախորդ ճշմարտության հակառակ կողմն է: Եթե Աստված կդատի մեղավորներին Իր երկրորդ գալստյան ժամանակ, ապա նա նաեւ հրավիրում նրանց փրկելու իրենց մեղքերից. Այս տեքստը այնքան կարեւոր է որ այն նշված է Աստվածաշնչում երեք անգամ:

- Հովել 2:28-ում,
 - Գործք 2:21-ում,
 - Հռոմեացիների 10:13-ում:
2. Աստված ցանկանում է ամեն ոք ընդունի Հիսուսին որպես անձնական Տեր և Փրկիչ և իր Հոգին կթափի յուրաքանչյուր անձի վրա:

- **Քրիստոսի Ծննդյան մասին նշում է Աստվածաշունչը — 9 անգամ**
- **Մկրտության մասին — 20 անգամ**
- **Ապաշխարության մասին — 71**
- **Երկրորդ Գալստյան մասին — 380 համարներ պարզ խոսում են Հիսուսի 2րդ գալստյան մասին:**
Ամեն 25 համարից մեկը նշում է Նրա գալստյան մասին:

ԱՄՓՈՓՈՒՄ

Հովել 1:12 - Որքը չորացել է, եւ թզենին թոռումել, նոնենին, արմավենին էլ եւ խնձորենին՝ արտի բոլոր ծառերը չորացել են. որովհետեւ ցամաքել է ուրախութիւնը մարդկանց որդիներիցը:

Հովել 3:18 - 18 Եւ պիտի լինի այն օրը որ սարերը քաղցու պիտի ծորեցնեն, և բլուրները կաթ հոսեցնեն, եւ Յուդայի բոլոր ձորերը ջուր պիտի բղխեն, եւ Տիրոջ տանիցը մի աղբիւր պիտի դուրս գայ, եւ ոռոգէ Սատիմի ձորը:

Այո՛, կը լինի այնպէս, որ այն օրը լեռները քաղցրութիւն կը բխեցնեն, բլուրները կաթ կը յորդեցնեն, Յուդայի երկրի բոլոր աղբիւրները ջուր կը բխեցնեն, Տիրոջ Տանից աղբիւր կը բխի եւ կ'ոռոգի շրջակայքի ձորը: